



FINNMARK FYLKESKOMMUNE
FINNMÁRKKU FYLKKAGIELDA

REGIONÁLA DOAIBMAPROGRÁMMA MUSEAOVDDIDEAMI VÁRÁS FINNMÁRKKUS 2016-2020



SISDOALLU

1.0	Álggahus	4
2.0	Finnmárkku museat	5
2.1	Rollat ja ovddasvástádus	5
2.1.1	Riddokultuvrra ja oddasishuksema museat IKS	5
2.1.2	Máilmmiárbeguovddáš báktedáidaga várás – Álttá Musea IKS	6
2.1.3	Várjjat Musea IKS	6
2.1.4	RiddoDuottarMuseat	7
2.1.5	Deanu ja Várjjat museasiida	7
3.0	Nannenproseassa	8
3.1	Hástalusat	8
3.1.1	Gealbudeapmi	8
3.1.2	Gaskkusteapmi	9
3.1.3	Dávvirhálddašeapmi	10
3.1.4	Searválasvuhta ja ovttasbargu	11
3.1.5	Riikkaidgaskasaš ovttasbargu	11
4.0	Ekonomalaš ovddideapmi	12
5.0	Doaimbajut	13
5.1	Oasseulbmil 1	13
5.2	Oasseulbmil 2	13
5.3	Oasseulbmil 3	13
5.4	Oasseulbmil 4	14
5.5	Oasseulbmil 5	14

Finnmark fylkeskommune / Finnmark fylkagielda
Fylkeshuset, 9815 Vadsø
Tlf. 78 96 20 00 / fax 78 96 23 70
e-post: postmottak@ffk.no www.ffc.no
Ovdasiidogovva: Guovdageainnu gilišilju olgomusea
Govva: RiddoDuottarMuseat
Gráfalaš hábmen: To Typer AS – www.totyper.no

1.0 ÁLGGAHUS

Fylkkadiggi dagai mearrádusa 10.12.14 áššis 45/14 Regionála kulturstrategijiat Finnmarkku várás 2015-2020. Kulturstrategijiat bidjet bajimus ja kulturpolitihkalaš láidestusaid strategijjaide ja doaibmajuiide Finnmarkkus. Regionála kulturstrategijaid mearrádusas boahdá ovdan ahte Finnmarkku fylkkagiela lea váldán badjelas ovddasvástádusa ráhkadit regionála doaibmaprográmma fylkka museaovddideami várás.

Regionála doaibmaprográmma áigumuš lea vuogádahttit daid stuorra daguid maid lea dárbu čadahit vai Finnmarkku museat ovddiduvvojit viidáseappot, ja juohkit ovddasvástádusa Finnmarkku fylkka-gildii regionála ovddideaddjin ja museaide iehčanas áсахussan.

Museaid kulturstrategijiat ja doaibmaprográmma lea vuodđuduvvon ovdeš mearrádusaide ja plánaide nu go:

- *St. meld. nr. 49 (2008-2009) Framtidas museum*
- *Finnmarkku museastrategijiat 2012-2015*
- *Regionála kulturstrategijiat Finnmarkku várás 2015-2020*

2.0 FINNMÁRKKU MUSEAT



Odde museavisti Honnesvágis.

Govva: Nordkappmuseet



Berlevåg Havnemuseum (Bearalvági Hámmanmusea).

Govva: Havnemuseum

Finnmarkku museain lea Finnmarkku kultursuorggi stuorámuš fágalaš resursa go das leat ollu máhtolaš bargit. Oktiibuot leat museain 86 jahkeberggu main 12 leat jodiheaddjivirggit, 46 fágavirggit, 11 tehnikkalaš virggit ja 17 hálddahusvirggit. Museat leat dehálaš áсахusat iežaset báikkálaš birrašiin, muhto doibmet maid veahkin dutkamis ja gaskkusteamis sihke guvllolaš, riikkalaš ja riikkaidgaskasaš oktavuodas, ja leat dainna lágiin dehálaš gealbobirrasat fylkkas.

2.1 Rollat ja ovddasvástádus

Finnmarkku museat leat iehčanas áсахusat main leat iežaset stivrrat ja mat leat organiserejuvnon IKSain dahje vuodđudussan. Fylkkagielladas lea bajimus ekonomalaš doaibmaovddasvástádus ovttas stáhtain ja gielddaiguin, ja ovddidanovddasvástádus ovttas golmmain IKSain, ja Sámedikkis fas lea ovddasvástádus guovtti vuodđudusas.

Fylkkagiela addá maid oasseveahki ruđalaččat ja fágalaččat visttiid ja čájáhusaid investeremiidda, ja lea álššaiduhtti ovttas stivrraiguin stuorát investerenáššiin.

Fylkkagiela lea iežas museaplánain geahččalan heivehemiin earuhit fylkka museaid, nu ahte gallejeaddjit besset vásihit ahte museat gaskkustit iešgudetlágan fáttáid mat gullet fylkka historjái.

2.1.1 Riddokultuvrra ja ođđasishuksema museat IKS

Riddokultuvrra ja ođđasishuksema museat lea IKS mas leat mielde Hámmarfeastta suokan ja Muosáid, Davvenjárjga, Gáŋgaviikka ja Bearalvági gielddat. Ođđajagimánu 1. beaivi 2017 rájes šattai maid Folldalbruket Davvesiidda gielddas dán gielddaidgaskasaš fitnodaga oassin. Museaid váldokontuvra lea Nordkappmuseet nammasaš museas Honnesvágis ja eará gielddain leat fas ossodagat.



Folldalbruket Gilivuonas.

Govva: Leif Yngve Wallenius



Máilmmiárbeguovddáš báktedáidaga várás – Áltta Musea.

Govva: Einar Forsberg

2.1.2 Máilmmiárbeguovddáš báktedáidaga várás – Áltta Musea IKS

Museat leat Áltta suohkana ja Finnmárkku fylkkagiella gaskasaš fitnodat mas goappá ge bealli eaiggáduššá bealli. Finnmárkku fylkkagiella lea vuolgán eaiggádin dannego das lea hálldašanoovddasvástádus dan lága vuodul man namma lea Lov om kulturminne for bergkunsten i Alta. Báktedáidaga dikšun- ja gaskkustandoaibmamušaid lea fylkkagiella fápmudan viidáseappot museii. Museas lea iežas stivra mas fylkkagielladas ge lea ovddasteaddji.



Bietilæ-rusttet Čáhcesullos lea Várjjat musea oassi.

Govva: Finnmárkku fylkkagiella

2.1.3 Várjjat Musea IKS

Várjjat musea IKS lea Várggáid, Čáhcesullo ja Mátta-Várjjaga gielladaid gaskasaš fitnodat. Musea váldokontuvra lea Várggáin Várggáid museas ja das leat ossodagat Čáhcesullos ja Mátta-Várjjagis. Várjjat musea váldofáddá lea rádjahistorjá masa maid gullet 2. máilmmisoahti, kvenaid historjá, pomorgávpi, partisánahistorjá ja vel Várggáid gávpoga historjá oktan Várggáid latniin ja Steilneset minnested nammasaš muitobáiki.



Steilneset minnested Várggáin lea Várjjat musea oassi.

Govva: Bjarne Riesto



Fanasčoakkáldat Jáhkovuona mearrasámi museas.

Govva: RiddoDuottarMuseat



Čájáhus Sámiid Vuorká-Dávviin.

Govva: RiddoDuottarMuseat

2.1.4 RiddoDuottarMuseat

RiddoDuottarMuseat lea vuodđudus masa gullet museat Kárášjogas, Guovdageainnus, Porsáנגgus, Jáhkovuonas Fálesnuori suohkanis. Stuorámuš ossodat lea Sámiid Vuorká-Dávvirat Kárášjogas mas lea musea váldokontuvra ja masa maid gullá Sámi Dáiddamusea. Oppalohkái lea vejolaš dadjat ahte RiddoDuottarMuseat lea Norgga stuorámuš sámi musea, ja das leat sámi kulturhistorjjálaš dávviid ja sámi dáidagiid árvvolaš čoakkáldagat.

2.1.5 Deanu ja Várjjat museasiida

Musea lea vuodđudus masa gullet Deanu musea, Várjjat Sámi Musea, Á'vv Saa'mi mu'zei/Nuortasámi musea Njávdamis ja Saviomusea Girkonjárggas. Musea váldokontuvra lea Vuonnabađas Várjjat Sámi Museas. Museii lea fápmuduvvon ovddasvástádus Ceavccageađggi kulturmitoguvllus. Á'vv Saa'mi mu'zei/Nuortasámi musea Njávdamis rahppojuvvo álbmogii geassemánu 2017.



Á'vv Saa'mi mu'zei/Nuortasámi musea Njávdamis.

Govva: Honna Havas, Nuortasámi musea/Deanu ja Várjjat museasiida

3.0 NANNENPROSEASSA

Finnmárkku museat leat mañimus 10 jagi čadahan nannenproseassa seamma láhkai go riikka eará museat ge.

Nannenproseassa maid Kulturdepartemeanta álggahii 2000-logu álgogeahčen, dagahii ahte Finnmarkku museaid lohku njiejai 13 museas 5 nannejuvvon museavttadahkii main Sámediggi hálddaša 2.

Daid digaštallamiid bokte mat doaimaprográmma bargojoavkkus leat leamaš, lea museaid bealis boahtán ovdan sávaldat ahte nannenbargu galggašii jotkojuvvot Finnmarkkus. Fylkkas leat gielddat main ii leat sierra musea. Earret eará lea Riddokultuvrra ja oddasishuksema museat oččodeamen musea viiddiduvvot maidái gustot Davvesiidna gildii. Sáhka lea leamaš das ge ahte galggašii go ášahuvvot dávvirvuorká Báhcavutnii.

3.1 Hástalusat

Dasa lassin leat hástalusat mat gusket:

- gealbudeapmái
- gaskkusteapmái
- dávvirhálddašeapmái
- searválasvuhtii ja ovttasbargui
- ekonomijii

3.1.1 Gealbudeapmi

Máilbmi rievdá ja dan dahká maidái dat mo mii áddet historjjá. Daddjojuvvo ahte juohke buolva čállá iežas historjjá. Danne dárbašit museabargit odasmahttima ja fágalaš deavdaga. Dat sáhtta dáhpáhuvat mángga láhkai, kurssaid ja konferánsaid bokte dahje iežas álggahan dutkanprošeavttaid bokte. Fylkkagielda atná dehálažžan ahte museaid bargiin leat oddaseamos dieđut mañimus ovdáneami birra iežaset fágain ja danne dat lea evttohan ásahtit jahkásaš deaivvadásji maid mii leat gohčodan *Finnmárkkusemináran*. Dat lea jurddašuvvon dakkár konferánsan mii lea rabas buot historjábérošteddjiide (museaide, universitehtainstituhtaide, studeanttaide, eaktodáhtolaš organisašuvnnaide ja earáide) ja mas sihke bovdejuvvon logaldallit ja museabargit besset ovdanbuktit fágalaš ovdaságaid. Konferánsa lágiduvvo ovtta Romssa universitehtain - Norgga Ártalaš universitehtain, Finnmarkku museaiguin ja Finnmarkku fylkkagieldain.

Bargojoavkkus bodii ovdan sávaldat ángiruššat eanet museaid duodjegelbbolašvuoda ovddidemiin. Museat eaiggáduššet ja hálddašit Finnmarkku ráfáidathtojuvvon vistehivvodaga stuorra osiid. Duodjegelbbolašvuodta lea ovddiduvvon mánggaid jagiid. Lea dehálaš ahte dákkár gelbbolašvuodta ain ovdána ja ahte dat ovttasráđiid oahpahasáhusaiguin šaddá bistevaš oahpahusmállen.

Huksenkursa Bietilæ-rusttegis 2002.

Govva: Finnmarkku fylkkagielda



Oahppit galledit Gámgaviikka musea.

Govva: Gámgaviikka musea/Riddokultuvrra ja oddasishuksema museat

3.1.2 Gaskkusteapmi

Museaid váldobargamuššan lea gaskkustit máhtu álbmogii. Dan lea vejolaš dahkat mángga láhkai, čálalaš prentosiid, ovdaságaid ja čájáhusaid bokte. Odda vuohki oahpásmuvvat kultur- ja luondduhistorjjáin sáhtášii leat nu gohčoduvvon luonddu-/kulturofelaččaid ásaheapmi museaide. Áigumuš lea ásahtit digitála muitalusaid GIS (geográfalaš diehtujuohkinvuogádagaid) bokte maid juohkehaš sáhtta viežžat ja maid sáhtta váldit mielde kulturbálgáide, álbmotmehciide, kulturmuittuide ja eará aaidnámusaide fylkka miehtá. Dakkár prošeavtta lea dárbu čielggadit lagabui ja árvvoštallat dan dakkár riikkalaš ja guvllolaš prošeavttaid oktavuodas mat leat juo álggahuvvon.

Museain lea stuorra mearkkašupmi mátkeealáhusaid vásáhusfálaldahkan. Logi eanemusat galleduvvon geasuheadji báikkis Finnmarkkus jagi 2010 guhtta ledje museat. Ovddidanprošeavttat berrejit olbmuid geasuheami oktavuodas boahtteáiggi leat dehálaččat museaide, ja daid galggašii ovddidit ovttasráđiid eará doibmiiguin nu go mátkemearffitnodagaiguin ja báikkálaš ealáhusaiguin.

Galledanstatistihka čájeha ahte gallededjii lohku lea lassánan sullii 14 000 olbmui áigodagas 2012-2014 (mañimus olámuddosaš statistihka vuodul) ja juohkása ná dan viđa ášahussii:

	2014	2013	2012
VAM	45 000	41 024	39 487
VM	38 355	34 676	31 228
MKG	29 412	27 684	30 833
TVMS	26 770	24 260	21 356
RDM	8 137	9 429	7 212
OKTIIBUOT	147 674	137 7073	130 116

Finnmarkku museain leat eanaš buorit ja oddaáigásaš lanjat iežaset doaimma várás. Ovtta museas min museain, Várjjaga musea Várggáid ossodagas, váilot dattege heivvolaš lanjat museadoibmii. Sii dáludat dál Várggáid boares mánáidskuvllas, ráfáidathtojuvvon muorristtis maid Finnmarkku fylkkagielda eaiggáduššá, almmá vejolašvuodaid haga lágidit bistevaš čájáhusaid. Musea lea dál geahččaleamen čoavdit ášši.

Vuoddočájáhusat leat buot museaid guovddážat, muhto dego ii livčče duohta ahte rudat eai juloše, de daid čájáhusaid buoridaepmái ja odasmahttimii váilot rudat. Mánja musea livčče ráhkadeamen odda čájáhusaid ja dárbašivčče ruda dasa.



Čájáhugas Oddasishuksema museas Finnmárku ja Davvi-Romssa várás. Govva: Oddasishuksema musea Finnmárku ja Davvi-Romssa várás



Meavrresgárru Sámiid Vuorká-Dávviin. Govva: RiddoDuottarMuseat

3.1.3 Dávvirhálddašepmi

Museaid čoakkáldagaide gullet dávvirat, fotogovat/film-mat, arkiivvat ja vistit. Dehálaš ulbmil lea áimmahuššat čoakkáldagaid riikkalaš standárddaid vuodul ja lágídit daid nu ahte dat leat álbmoga ja dutkiid olámuttus.

Finnmárku museain lea maŋimus 3 jagi leamaš ovttasbargoprošeakta maid leat gohčodan «Felles løft for Finnmarkshistorien». Prošeavtta áigumuš lea digitaliseret

čoakkáldagaid (dávviid ja fotogovaid) ja lágídit daid nu ahte dat leat álbmoga olámuttus. Dán rádjai leat 5 000 fotogova ja 10 000 dávviid Finnmárkus digitaliseruvvon ja oassi dain leat lágíduvvon Digitalt Museum nammasaš internehttabáikái dán čujuhussii: (<http://digitaltmuseum.no/>).

Museaid dávvirčoakkáldagat leat ná:

Finnmárku museaid jagi 2014 čoakkáldagaid visogovva

ČOAKKÁLDAT	Dávvirat oktiibuot	Dohkálaččat registrerejuvvon	Digitaliseruvvon	Internehtas fotogovaiguin
Dáiddahistorjjálaš	1 546	29 %	27 %	8 %
Kulturhistorjjálaš	55 114	32 %	22 %	5 %
Arkeologija	234	56 %	42 %	0 %
Fotografija	15 734	38 %	33 %	5 %
Kulturhistorjjálaš vistit	116	7 %	0 %	0 %
Arkiivvat	742			
Filbma/video	1423	66		
Jietnabáttit	1118	222		



Poastakoarttas oaidnit pomorskiippa Čáhcesullo hámmánis sullii jagi 1900. Govva: Várjjat Musea IKS

Ollu museat rahčet dan geažil go magasiinnat ja vorkendilit leat boaresáigásaččat ja dohkemeahtumat. Dat guoská earret eará Riddokultuvra ja oddasishuksema museaide, Várjjat musea Várggáid ossodahkii ja erenoamážit sámi museaide mat dárbbášit odda magasiinnaid vai sáhttet vuostáiváldit dávviid mat daidda galget sirdojuvvot Norgga álbmotmuseas Báástede prošeavtta bokte.

Erenoamáš stuorra hástalus lea áimmahuššat badjel čuodi ráfáidathttojuvvon ja suodjalanárvosaš vistit, maid museat eaiggáduššet. Stáhta ruhtadanortnegiid bokte lea dárbu čoavdit daid ollu hástalusaid mat čatnasit vesteárbái.

Museat eaiggáduššet lagabui beali dain priváhta arkiivvain mat leat vorkoduvvon ásašlaš oktavuodas, ja nu dat leat šaddan fylkka stuorámuš arkiivveaigáid. Arkiivveaigáidat leat hui dehálaš gálldoavdnasat dutkamii ja gaskusteamái, ja dehálaš lea ahte čoakkáldagat vorkoduvvojit dohkálaččat ja ahte dat lágíduvvojit dutkama



Sámi njalla Sámiid Vuorká-Dávviin Kárášjogas. Govva: RiddoDuottarMuseat

várás. Lea čielga dárbu geahččat bargama priváhtaarkiivvain stuorát oktavuodas, ja eanet geatnegahtti ovttasbargun mii lea museaid ja arkiivveaigáid gaskkas.

3.1.4 Searválasvuolta ja ovttasbargu

Nanusmahttinproseassa ulbmil lei geahpedit museaid logu, ja nannet ovttagaid ovttasbarggu guvllolaččat ja riikkalaččat. Kulturstrategiijaid ja doaibmaprogrammaid ráhkadeami proseassa áiggi leat museat ohcalan eanet ollislaš kulturárbbi hálddašeami fylkkagielddas mas kultur-muitosudjalusa, priváhta arkiivvaid ja museaovddideami gaskasaš ovttasdoaimman berre šaddat lagat ja olláseabbo.

Guvllolaččat lea ásašuvvon museaid ja fylkkasuohkana gulahallančoahkkin. Dat adnojuvvo dehálažžan ja dan livččii vejolaš viiddidit gustot buot osiide mat fylkkagielddas barget kulturárbbiin, dego arkiivvaide ja kultur-muitosudjalussii.

Gielddat leat dehálaš doaibmit dan golmma juolludead-djis mat ruhtadit museaid doaimma. Bissovaš juolludusaid šiehtadus lea dávvirvuorkkáid sávaldat, ja fylkkagielda áigu ráddáallagoahtit museagielddaiguin ja geahččalit daiguin dahkat soahpamušaid ruhtadoarjagiid hárrái.

3.1.5 Riikkaidgaskasaš ovttasbargu

Riikkaidgaskasaš ovttasbargu lea dehálaš kultursuorgái. Álbmogis-álbmogii-ovttasbargu Davvi-oarje Ruoššain lea leamaš hui gánnahtti ovttasbargoprošeavttaid ja fierpmádagaid dáfus. Dát ovttasbargu mii 2012 ávvudii iežas 25 jagi doaibmama, bisuhuvvo daid guovtteriikkagaskasaš šiehtadusaid rájaid sikkobealde mat Finnmárku fylkkagielddas leat Murmánska ja Arkángala fylkkaiguin, ja mánggariikkagaskasaš šiehtadusaid sikkobealde Barents-guovllus. Riikkaidgaskasaš bargui gullet maid dá EU-prošeavttat ja eará riikkaidgaskasaš ovttasbargu.

Museat fertjeit ieža viššalat ásašit dakkár fierpmádagaid mat leat ávkkálaččat sihke guhkes ja oanehis áigái. Fylkkagieldda rolla ja doaibma lea diedihit vejolašvuodaid birra ja veahkehit museaid beassat gulahallat oktavuodaiguin ja fierpmádagaiguin daid formála šiehtadusaid bokte maid mii hálddašit.



Norgga-Ruošša konferánsas Murmánskas friijema 70-jagi ávvudeami oktavuodas jagi 2014. Govva: Susanne Hætta

4.0 EKONOMALAŠ OVDDIDEAPMI

Plánaproseassas leat oidnosii boahán mánga hástalusat mat sáhttet čatnasit kulturstrategiijaide oppalaččat ja museaid iežaset hástalusaid erenoamážit. Ekonomijja lea hástalus sihke doaimma dáfus ja maid odđa čájáhusaid ruhtadeami dáfus. Hástalus lea maid gávdat ruđaid ollašuttin dihtii muhtun doaibmabijuid mat árvaluvvojit doaibmaaplánas.

Museaid ekonomalaš ovdáneapmi lea bisánan jagi 2010 maŋŋá. Stáhta, fylkkagiella ja gielddat eai leat lasihan iežaset juolludusaid earret dan mii guoská haddegoargnumii ja bálkáihevehallamiidda. Olles juolludeapmi juohkása proseantasaččat jagi 2015 ná: 71 % stáhtas, 12 % fylkkagielladas (mas maid lea mielde sierra 2,5 milj. ruvdnosáš juolludeapmi Várjjat museii) ja 17 % gielddain, vaikko livččii

buoremus ahte dan golmma ruhtadeaddji gaskasaš juohku livččii lean 60-20-20-juohku. Jahkái 2015 lei čuovvovaš juohkáseapmi ruvnnuid mielde:

Juolludusat jagi 2015		
Stáhta/Sámediggi	Kr 39 980 Mill	71 %
Finnmárkku fylkkagiella	Kr 6 594 Mill	12 %
Gielddat	Kr 9 761 Mill	17 %

Duohta loguiguin lea guđege musea ekonomalaš ovdáneapmi ná oaidnit:

MUSEA	2013	2014	2015
Riddokultuvrra ja odđasishuksema museat IKS	9 956	10 201	10 306
Várjjat Musea IKS	12 751	13 125	15 807 **
Máilmmiárbeguovddáš báktedáidaga várás - Álttá Musea IKS*	7 295	7 267	9 328
Vuodđudus Deanu ja Várjjat Museasiida	9 644	9 909	10 782
Vuodđudus RiddoDuottarMuseat	8 792	9 422	10 112
BUOHKANASSII FINNMÁRKKUS	48 438	49 924	56 335

* dás lea maid mielde Dálkkádat- ja birasdepartemeantta doaibmadoarjja máilmmiárbeguovddáš – Báktedáidagii Álttás.

** Várjjat Musea IKS oaččui sierra 2,5 milj. ruvdnosáš doarjaga jahkái 2015.

Buot golmma dávvirvuorkkás leat jagi 2016 hástalusat odđa vistiid ja doaibmabijuid dáfus. Riddokultuvrra ja odđasishuksema museat IKS fárrejit vistái maid leat oastán Nordea nammasaš bálkáihevehallamiidda ja áigot hukset odđa čájáhusa, ja doaibmagolut vel lassánit. Várjjat Musea IKS lea dohkkehuvvon máilmmiárbeguovddášin ja das čuovvu regionála geatnegasvuotta ruhtadit doaimma.

5.0 DOAIBMABIJUT

5.1 Oasseulbmil 1: Finnmarkku buot ássit galget beassat vásihit museamuosáhusaid

Strategiija	Regionála doaibmabijut	Ovddasvástádus
Fállat kulturväsáhusaid olbmuid doppe gos sii ássit	1. Eanet odđa neahttačájáhusat ja digitála muitalusat Finnmarkku birra.	Museat
	2. Digitála muitalusat Finnmarkku luonddu/kultuvrra birra maid lea vejolaš viežžat neahtas nuvttá.	Museat
	3. Eanet museat ášahuvvojit Finnmarkkui.	Gielddat ja Finnmarkku fylkkagiella

5.2 Oasseulbmil 2: Joatkit Finnmarkku museaid nanusmahttima

Strategiija	Regionála doaibmabijut	Ovddasvástádus
Viidáseappot ovddidit arenaid Finnmarkku mihtilmasvuoda ja dan mohkkás historjjá ja kulturárbbi gask-kusteamii várás.	1. Finnmarkku historjá nehttii.	Museat
	2. Buorebut oktiihevehallat Finnmarkku museaid gaskasaš doaimma bálvalusaid.	Museat
	3. Árvvoštallat oktasaš márkanfievrrideami mátkkealáhusaid ektui.	Museat

5.3 Oasseulbmil 3: Odasmahttit ja ovddidit museaid gelbbolašvuoda

Strategiija	Regionála doaibmabijut	Ovddasvástádus
Ovddidit nana gelbbolašvuodabirrasiid Finnmarkku museain	1. Ásahit Finnmarkkuseminára gelbbolašvuodaarenan ovttasrádiid earáiguin.	Museat ja Finnmarkku fylkkagiella
	2. Ásahit dutkanjoavkkuid kulturárbbi várás.	Museat
Láhčit dilálašvuodaid nu ahte gelbbolašvuotta giehtabargofágain buorrána	1. Ásahit giehtabargofierpmádaga Finnmarkkus mas dieđuid ja vásáhusaid lonohallan lea dehálaš.	Museat ja Finnmarkku fylkkagiella

5.4 Oasseulbmil 4: Ovddidit searválasvuodaid ja oassálastit daidda ja ovttasbargoforaide

Strategiija	Regionála doaibmabijut	Ovddasvástádus
Viidáseappot ovddidit ovttasbargoarenaid	1. Ásahit bissovaš gulahallančoahkkima buot eiseválddiid várás mat barget kulturárbbiin Finnmárkkus.	Finnmárkku fylkkagielda
Dahkat šiehtadusaid gielddaiguin	1. Finnmárkku fylkkagielda ja museagielddat dahket šiehtadusa juolludusdási hárrái.	Gielddat ja Finnmárkku fylkkagielda
Čuovvolit Finnmárkku museaid ekonomalaš ovdáneami	1. Álggahit barggu buoridan dihtii guvllolaš ruhtadanoasi Finnmárkku museaid várás oppalaččat ja sámi museaid várás. 2. Bargui gullá lasi stáhtarudaid oččodeapmi. 3. Ráhkadit investeremiid ja doaimma vuoruhanlisttu Finnmárkku museaovddideami várás.	Finnmárkku fylkkagielda

5.5 Oasseulbmil 5: Ovddidit ja joatkit riikkaidgaskasaš ovttasbarggu

Strategiija	Regionála doaibmabijut	Ovddasvástádus
Deattuhit fágalaš ovttasbarggu kulturšiehtadusaid vuodul	1. Ásahit fágalaš fierpmádaga bargoguimmiiguin Davvi-oarje Ruoššas. 2. Ráhkadit odđa prošeaktaplánaid mat galget leat mielde dain kulturšiehtadusain maid Finnmárkku fylkkagielda dahká Murmánska fylkkain ja Arkáŋgala fylkkain.	Museat



Murmánska ja Finnmárkku gaskasaš kulturšiehtadusa vuolláičállin jagi 2015, Tore Gundersen ja Sergei Jershov.

Govva: Finnmárkku fylkkagielda